

四庫全書

史部

欽定四庫全書

欽定外藩蒙古回部王公表傳卷之九十二

傳第七十六

扎薩克鎮國公珠爾默特策布登列傳

今襲輔國公

珠爾默特策布登唐古特人父頗羅鼐以功封郡王爵珠爾墨特策布登弟珠爾默特納木扎勒嗣後叛誅故不立傳雍正八年以珠爾默特策布登統阿里諸路兵防準噶爾賊保唐古特

詔授扎薩克一等台吉九年

諭嘉其奮勇効力晉封輔國公乾隆八年準噶爾煎茶使赴藏珠爾默特策布登以兵五千駐防阿里克明年準噶爾使自藏歸

賜幣獎之會病足自阿里歸藏十一年頗羅鼐遵

旨擇子襲爵珠爾默特策布登以疾讓弟

上聞而嘉之

諭曰珠爾默特策布登雖有疾前曾出兵効力著加恩

封鎮國公十二年疾痊駐藏副都統傳清等請遣屯

阿里克汎

允之是年頗羅噶卒珠爾默特納木扎勒襲郡王爵十
四年駐藏副都統紀山劾珠爾默特納木扎勒志
戾請檄珠爾默特策布登至協理藏務

上不允

諭紀山善導之勿露防範迹已而珠爾默特納木扎勒
以珠爾默特策布登發阿里兵將擾藏告益計陷

之也

敕諭珠爾默特策布登曰爾父子昆弟受朕恩深重爾所素知爾今無故發兵是既負朕恩又玷辱爾父矣爾於兄弟之間素敦和好爾父爵尚讓爾弟襲今乃轉欲搆兵取罪果爾兄弟不睦宜親身至藏以實情告辦事大臣及達賴喇嘛俟奏至朕議爾兄弟事務令永遠和睦如爾有欲奏言亦即具奏朕自有措置也復

諭傳清曰珠爾默特納木扎勒年幼躁急性好滋事若果無他故其兄欲進兵至藏是特兄弟間互相侵犯耳若其兄並無此事而伊造言誣構則宜相機辦理十五年珠爾默特策布登為珠爾默特納木扎勒所戕子朋素克旺布及珠爾默特旺扎勒皆居後藏珠爾默特納木扎勒詭以兄暴疾

聞請收葬并育兒子

上允之珠爾默特納木扎勒以兵至後藏戕朋素克旺

布陽稱逃亡珠爾默特旺扎勒奔扎什倫布依班
禪額爾德尼為喇嘛乃免珠爾默特納木扎勒誅
上念珠爾默特策布登功不忍絕其爵

詔珠爾默特旺扎勒襲輔國公

一次襲珠爾默特旺扎勒珠爾默特策布登次子
乾隆十六年襲扎薩克輔國公四十二年卒嗣子
諾爾布朋素克襲

二次襲諾爾布朋素克珠爾默特旺扎勒嗣子乾

隆四十三年襲扎薩克輔國公四十八年

詔世襲罔替

輔國公索諾木達爾扎列傳

今定世襲一等台吉

索諾木達爾扎唐古特人初居裏塘其妻曰羅卜

臧吹木索有子二長羅卜藏噶勒藏嘉穆錯次恭

格丹津羅卜藏噶勒藏嘉穆錯即第六世達賴喇

嘛也幼慧甚唐古特衆及青海諸台吉敬事之時

別有博克達之阿旺伊什嘉穆錯者拉藏汗立為

達賴喇嘛聞羅卜藏噶勒藏嘉穆錯名忌之將以
兵戕索諾木達爾扎極負走乃免青海諸台吉訐
拉藏汗與爭達賴喇嘛真偽

遣官往徙羅卜藏噶勒藏嘉穆錯以索諾木達爾扎護居
西寧宗喀巴寺未幾準噶爾襲唐古特戕拉藏汗
大軍將討其罪都統法喇奏裏塘至唐古特咸敬
瑚畢勒罕請移打箭爐兵屯裏塘相機勦準噶爾
復令索諾木達爾扎諭營官喇嘛等使知駐兵裏

塘乃

聖主保護瑚畢勒罕鄉衆至意裏塘外諸境可傳檄定
詔可五十九年封羅卜藏噶勒藏嘉穆錯為達賴喇嘛以
大軍護往索諾木達爾扎從至藏

詔偕噶卜倫康濟鼐阿爾布巴隆布鼐等護視達賴喇嘛
已而索諾木達爾扎娶隆布鼐女二隆布鼐特達
賴喇嘛姻陰比阿爾布巴忌康濟鼐雍正四年

遣官諭達賴喇嘛輯諸噶卜倫有衮都阿喇木巴者羅卜

臧吹木索弟也善翼視達賴喇嘛

賜達爾漢號五年阿爾布巴隆布噶以兵戕康濟噶大軍

至誅之

詔徙達賴喇嘛居裏塘七年索諾木達爾扎代達賴喇嘛

來朝奉表貢物

賜珊瑚頂雙眼孔雀翎復

諭曰索諾木達爾扎訓示達賴喇嘛學習經典保護多方

西藏諸務毫不干預甚屬可嘉著封為輔國公十三年

從達賴喇嘛歸藏乾隆九年卒

諭曰索諾木達爾扎係達賴喇嘛父

皇考加恩達賴喇嘛

特予封爵伊亦深感

皇考恩行走謹慎歷有餘年著加恩令伊子恭格丹津仍襲輔國公以示優眷

一次襲恭格丹津索諾木達爾扎次子乾隆九年襲輔國公二十八年授噶卜倫三十八年卒子扎

什納木扎勒襲

二次襲扎什納木扎勒恭格丹津子乾隆三十八年襲輔國公四十八年理藩院議侯出缺後停襲諭曰索諾木達爾扎以生達賴喇嘛故封輔國公爵伊子孫承襲二次今達賴喇嘛示寂若其父所遺世爵竟爾裁汰朕心實為不忍如仍世襲公爵於例又屬難行朕念達賴喇嘛侯扎什納木扎勒出缺後著如恩賞給一等台吉世襲罔替並著為例永遠遵行

欽定外藩蒙古回部王公表傳卷之九十二

欽定四庫全書

欽定外藩蒙古回部王公表傳卷之九十三

傳第七十七

追授一等台吉喀錫鴈色布登喇什列傳

今襲輔國公

喀錫鴈色布登喇什唐古特人其弟曰康濟鴈初為達賴喇嘛第巴任阿里總管康熙五十九年準噶爾擾藏大軍往討康濟鴈集唐古特兵絕賊糧道偵賊走多特追擊之俘斬甚衆六十年叙功

詔封固山貝子授噶卜倫理前藏務時第巴阿爾布巴頗
羅鼐等以迎降功各

賜爵有差雍正三年撤大軍還以康濟鼐總藏務阿爾布
巴副之王大臣等奏阿里形勝地康濟鼐既駐藏
請令擇代理阿里務者康濟鼐遵

旨議以其兄喀錫鼐色布登喇什為阿里總管撫遠大將
軍年羹堯請令康濟鼐專居藏地

上察阿爾布巴等與康濟鼐異志

諭曰若令康濟鼐孤身在藏阿爾布巴等不之服康濟鼐
雖欲効忠勢必不能仍令兩處往來行走兼理藏及阿
里務為善五年阿爾布巴等陰以兵戕康濟鼐遣賊黨
侵阿里喀錫鼐色布登喇什以義不反兵驟擊之
戰歿其長子噶錫巴納木扎勒色布騰從台吉頗
羅鼐以兵至藏阿爾布巴等就擒六年大軍至藏
亂定

上憫康濟鼐無嗣

詔追授喀錫爾色布登喇什為一等台吉子二長噶錫巴

納木扎勒色布騰次班第達相繼襲

一次襲噶錫巴納木扎勒色布騰喀錫爾色布登

喇什長子雍正六年襲一等台吉

賞孔雀翎九年表謝

恩獻方物

諭曰前以喀錫爾色布登喇什陣亡阿里經頗羅烏奏請
特贈一等台台其子噶錫巴納木扎勒色布騰襲之邇

聞為國効力辦理事務亦善且為康濟窮兄子康濟窮
宣力有年抒誠報効始終不懈并無子嗣著將噶錫巴
納木扎勒色布騰格外施恩封授輔國公世襲罔替尋
授噶卜倫乾隆四年卒弟班第達襲

二次襲班第達噶錫巴納木扎勒色布騰弟乾隆
五年襲輔國公九年十二年準噶爾使再入藏煎
茶班第達襄頗羅萬理諸務

賜幣獎之十三年

詔授其兄噶錫巴納木扎勒色布騰子巴桑車凌一等

台吉

諭昆弟子姓世受國恩嗣益勉無怠初郡王頗羅鼐以
女妻班第達頗羅鼐卒班第達察珠爾默特納木
扎勒有逆志不之附珠爾默特納木扎勒惡之奪
其祭十五年駐藏都統傅清等將除逆密與謀珠
爾默特納木扎勒就誅羅卜藏扎什等復為變班
第達奔告達賴喇嘛集兵捕逆獲所掠帑銀二萬

餘撫輯唐古特兵民達賴喇嘛善之奏令暫理藏務時四川總督策楞等奉

詔赴藏定亂

諭曰班第達不能救護駐藏大臣念其勢孤力弱尚屬無過然亦無功可錄但不附逆黨猶知尊向天朝著以輔國公爵管理噶卜倫務應俟徐加恩賜有清特古斯者屯兵阿里助珠爾默特納木扎勒為逆班第達誅之遣台吉集都魯理阿里務給卓哩克圖

號事

聞

諭策楞等曰班第達擅給台吉號儼以藏王自居今令管理噶卜倫務復命多立數人班第達或大失所望雖未必顯有違抗但其心稍恐不足務須明切導之以珠爾默特納木扎勒恃有王爵擁勢太重釀成嫌隙今多立噶卜倫正可保全終始令彼渙然疑釋庶可永寧策楞抵藏奏達賴喇嘛以鎮阿里要地必重

名號故權給之班第達恭順可信臣導

旨宣諭感且泣矢竭誠報効明年議西藏設噶卜倫四
以班第達領其一

賜敕訓諭

扎薩克一等台吉車稜旺扎勒列傳

車稜旺扎勒唐古特人雍正六年噶卜倫阿爾布
巴等亂定扎薩克貝子頗羅鼐請以車稜旺扎勒
協理藏務

詔授扎薩克一等台吉兼噶卜倫乾隆九年協頗羅鼐理

準噶爾煎茶務

賜幣獎之十二年準噶爾復入藏煎茶駐藏副都統傅清等遣車稜旺扎勒以喀拉烏蘇兵三百監之十三年準噶爾使自藏歸復

獎賜十六年珠爾默特納木扎勒亂定議設噶卜倫四詔仍以車稜旺扎勒領其一

賜敕訓諭十七年駐藏都統班第等遵

旨籌防準噶爾議車稜旺扎勒以厄魯特及唐古特兵屯阿哈雅克騰格里諾爾汛從之二十八年卒孫索諾木旺扎勒襲

一次襲索諾木旺扎勒車稜旺扎勒孫乾隆二十九年襲扎薩克一等台吉三十八年授噶卜倫四十四年班禪額爾德尼入

覲索諾木旺扎勒由穆魯烏蘇助途次所需物

賜幣獎四十八年

詔世襲罔替五十三年巴勒布賊侵西藏界侍郎巴忠
奉

命赴藏查辦奏索諾木旺扎勒素向巴勒布商賈勒索
狀

諭曰索諾木旺扎勒平素既向巴勒布商賈勒索巴勒
布賊人侵藏之事即係伊激成伊身若在必當從重
治罪今伊業已病故雖不加深究但不當仍令其子
承襲扎薩克台吉索諾木旺扎勒之扎薩克一等台

吉著停其承襲以示懲儆

扎薩克一等台吉諾顏和碩齊列傳

諾顏和碩齊唐古特人郡王頗羅鼐弟雍正六年頗羅鼐定阿爾布巴等亂以諾顏和碩齊轄喀拉烏蘇兵護唐古特衆奏請

賜爵

詔授扎薩克一等台吉乾隆元年卒駐藏副都統瑪拉等奏偕頗羅鼐議代領喀拉烏蘇兵者頗羅鼐子珠

爾默特納木扎勒歲領塔木騰格里諾爾兵防汛
塔木距喀拉烏蘇邇可令兼轄諾顏和碩齊所遺
扎薩克一等台吉其弟車臣哈什哈現理古木布
木務請令襲爵

詔允之

一次襲車臣哈什哈諾顏和碩齊弟乾隆元年襲
扎薩克一等台吉五年卒弟齊旺多爾濟襲

二次襲齊旺多爾濟車臣哈什哈弟乾隆五年襲

扎薩克一等台吉九年以協頗羅烏理準噶爾煎
茶務

賜幣獎十年卒駐藏副都統傅清等奏頗羅烏理請以諾
顏和碩齊子旺對襲

諭曰伊係舉家受恩之人令其辦理諸務自為有益諾
顏和碩齊受國厚恩授為扎薩克一等台吉伊弟相
繼承襲亦各奮勉効力令齊旺多爾濟病故著照所
請以其兄諾顏和碩齊子旺對承襲扎薩克一等台

吉

三次襲旺對諾顏和碩齊子乾隆十年襲扎薩克
一等台吉十二年準噶爾使入藏煎茶駐藏副都
統傅清等議設汎阿哈雅克阿里克路以旺對領
之十三年準噶爾使自藏歸

賜幣獎未幾珠爾默特納木扎勒詭稱準噶爾兵至碩
翁圖庫爾將襲唐古特駐藏提督索拜遣旺對赴
喀拉烏蘇備之比至無跡撤歸三十年授噶卜倫

三十一年卒子索諾木喇什襲

四次襲索諾木喇什旺對子乾隆三十一年襲扎
薩克一等台吉四十八年

詔世襲罔替

欽定外藩蒙古回部王公表傳卷之九十三

欽定四庫全書

欽定外藩蒙古回部王公表傳卷之九十四

傳第七十八

杜爾伯特部總傳

杜爾伯特部厄魯特為綽羅斯種與內扎薩克之隸科爾沁右翼一旗同名異族厄魯特舊設四衛拉特杜爾伯特其一也輝特隸之後並稱衛拉特詳青海厄魯特部傳和碩特土爾扈特

或游牧青海或徙牧俄羅斯惟杜爾伯特與準
噶爾聚牧阿爾台之析處者準噶爾台吉噶爾
丹虐諸昆弟子姓兄子策妄阿喇布坦棄徙博
囉塔拉杜爾伯特諸台吉從往分牧額爾齊斯
迄準噶爾族亂杜爾伯特內附設扎薩克十有
四附輝特扎薩克二統稱賽因濟雅哈圖杜爾
伯特部杜爾伯特祖曰博羅納哈勒與準噶爾
祖額斯墨特達爾漢諾顏為昆弟博羅納哈勒

子額什格泰什三傳至達賴泰什子七長敏珠
喬不著次垂因次陀音其喬皆隸察哈爾次鄂
木布岱青和碩齊為扎薩克汗車凌親王車凌
烏巴什貝勒剛多爾濟三旗祖次衮布次達延
泰什次塔爾琿泰什其喬隸各扎薩克達賴泰
什弟曰保伊爾登子四長鄂爾羅斯為扎薩克
台吉恭錫喇達什敦多克二旗祖次巴特瑪多
爾濟為扎薩克貝勒色布騰貝子班珠爾輔國

公剛巴圖蒙克台吉額布根五旗祖次額璘沁
巴圖爾為扎薩克貝子根敦瑪什巴圖台吉巴
爾三旗祖次伯布什為扎薩克郡王車凌蒙克
一旗祖初和碩特台吉鄂齊爾圖為衛拉特首
汗綽囉斯諸台吉隸之順治十四年杜爾伯特
台吉陀音遣使霍什哈等自鄂齊爾圖所以貢
馬至十五年鄂木布岱青和碩齊子伊斯扎布
復遣使額爾克貢馬康熙十四年台吉額勒敦

噶木布從鄂齊爾圖使入貢自稱為阿勒達爾
泰什族阿勒達爾泰什者垂因子也時蓋為所
部長十六年噶爾丹戕鄂齊爾圖遣使告自稱
博碩克圖汗因脅諸衛拉特奉已令

諭給諸貢使符驗不從詭稱杜爾伯特及和碩特土爾
扈特雖隸準噶爾以牧地遠不及給二十四年
定四衛拉特貢例噶爾丹使入關額二百人餘
市張家口及歸化城其綽羅斯自貢之噶爾瑪

岱青和碩齊杜爾伯特台吉阿勒達爾泰什及
和碩特土爾扈特長如之三十三年台吉巴拜
來歸巴拜者陀音子也噶爾丹以附牧強取其
戚屬巴拜索之不獲畏弗敢爭嗣從噶爾丹侵
喀爾喀至烏蘭布通欲棄之降為伊拉古克三
呼圖克圖所陰阻至是偕從子齊克宗至

上以其習邊外不便駐內地

詔隸喀喇沁牧三十六年台吉車稜復來歸車稜為阿

勒達爾泰什孫其父烏爾袞從噶爾丹侵喀爾喀為大軍所敗携屬三百餘竄圖拉河境

上聞之

諭遣護軍統領瑪喇曰爾等馳赴圖拉遣人問故伊等或欲內附懼為喀爾喀阻或力不能至而在彼可收之至如欲往阿爾台則聽之既不內附又不前往則當相機行事瑪喇至偵不獲踪噶爾丹再侵喀爾喀烏爾袞復從至和託輝特台吉根敦陣斬之車

稜從噶爾丹竄牧巴顏烏蘭根敦以告

詔使諭車稜降不至噶爾丹尋敗遁車稜將乞降我師
不知而擊之乃逸其屬綽克圖巴圖爾宰桑莽
奈霍什哈都喇圖巴圖爾班丹霍什哈宰桑扎
爾瑚齊什賁達爾漢宰桑蘇穆齊扎爾瑚齊阿
哈雅扎爾瑚齊畢哩克扎爾瑚齊等率衆百餘
內附時已拜屬從至

詔置張家口外已拜遣宰桑博克請

賜所屬

遣官察給之已拜尋來朝請効力

禁廷

詔曰爾先衆來降朕自有加恩之處其仍率所屬
駐喀喇沁牧車稜敗知噶爾丹不足恃遣使奏
杜爾伯特部自始貢中國至阿勒達爾恭什往
來

朝請已五世前蒙

金史卷九十四
恩遣巴扎爾傳

諭臣屬功格額爾克令臣歸誠許恩待臣遵
旨降反為將軍所擊臣復懼逃乞

賜恩綸

諭曰車稜來歸時我綠旗蒙古兵不知而擊之今復遣
使奏請理藩院其檄令速降朕將優恤之會

遣使招噶爾丹

詔以其使從至則車稜他徙其使齎檄往

諭車稜遣功格額爾克奉表降自詣大將軍費揚古所
告曰烏蘭布通戰後臣父烏爾袞降志誠不獲
達臣前為大軍擊心甚懼率殘卒十餘奔達瑪
爾遇噶爾丹偕赴薩克薩特呼哩克未決旬棄
之走額克阿喇勒臣知噶爾丹罪與彼伍徒就
死聞

上撫厄魯特降人咸得所集臣屬二百五十餘戶內徙
道踰汗阿林翁吉閱四月始至乞以此情代奏費

揚古馳䟽

聞留其孥屬於張家口外遣車稜

覲行營

詔授散秩大臣巴拜如之明年

詔以巴拜車稜屬隸察哈爾正白旗編佐領二車稜屬
六品官班丹畢哩克及壯丁百餘以功格額爾
克為驍騎校領之巴拜屬五品官戴和碩齊納
木喀琳沁額爾德尼達木巴六品官達爾扎巴

圖蒙克色稜泰墨爾根伊什德克及壯丁百餘
以達木巴領之後已拜卒無嗣車稜卒子策旺
達爾濟嗣五十四年

詔招降台吉丹津于阿爾台丹津者鄂木布岱青和碩
齊孫也與車稜為從昆弟游牧阿爾台戶千餘
和託輝特台吉博貝請赴阿爾台招丹津降抗
即以兵取之

諭車稜遣使齎書從比至丹津徙策妄阿喇布坦牧五

十九年靖夷將軍富寧安擒台吉垂木拍爾于
伊勒布爾和碩蓋是時策妄阿喇布坦假兵力
據四衛拉特令諸台吉環牧烏魯木齊額爾齊
斯為負隅計我大兵因屯巴里坤阿爾台兩路
過之偵準噶爾襲唐古特

詔大軍往討罪復以兵分擊準噶爾境垂木拍爾者丹
津族台吉也率屬駐烏魯木齊設哨伊勒布爾
和碩阿克塔斯路富寧安以兵至阿克塔斯設

哨賊遁尾至伊勒布爾和碩擊之擒垂木拍爾
歸烏魯木齊衆聞之咸竄乾隆十八年冬台吉
三車凌來歸三車凌者曰車凌曰車凌烏巴什
曰車凌蒙克統稱杜爾伯特台吉巴約特其屬
部也杜爾伯特以車凌為長車凌烏巴什次之
巴約特以車凌蒙克為長聚族額爾齊斯準噶
爾台吉舊有策凌敦多卜二大策凌敦多卜善
謀小策凌敦多卜以勇聞策妄阿喇布坦及子

噶爾丹策凌倚任之大策凌敦多卜孫達瓦齊
襲殺噶爾丹策凌嗣而自立小策凌敦多卜孫
訥默庫濟爾噶爾與構兵各令杜爾伯特族助
車凌等欲拒之不敵欲事之莫知所從集族言
曰依準噶爾非計也不如歸

天朝為永聚計有喀爾喀卒額璘沁達什者為準噶
爾所掠聞其謀脫歸以告

詔定邊左副將軍喀爾喀親王成衮扎布俟車凌等

至察其誠可納之既而三車凌棄額爾齊斯牧
由準噶爾東烏蘭嶺烏英齊而行越旬有九日
至博東齊遣使巴顏克什克都圖爾噶等馳赴
巴顏珠爾克以降故告而留其衆于額克阿喇
勒以待成衮扎布遣守汛者視慮詐檄喀爾喀
兵備之以

聞

諭曰車凌等降非巨測也達瓦齊與訥默庫濟爾噶

爾構兵車凌等助之勝負難預定幸而從者勝卒
為人役不若歸降之為得計也既遣使以情告若
仍令處汛外恐追兵至或有失可即徙入內汛暫
給牧畜徐議安置事宜先以車凌車凌烏巴什及
從至者酌遣數人令其瞻仰朕躬朕自優加恩賚
遣侍郎玉保齎賞物往

諭甫就道

上念所部習邊外以未出痘者為生身若即令至內

地雖傷一僕從不忍

詔俟明歲受朝塞外勿遽來

京師負矜恤意而三車凌懼準噶爾兵襲請急徙
入汛且獻馬為贄成衮扎布納之令暫駐烏里
雅蘇台達瓦齊遣宰桑禡木特以兵襲不及乃
逸玉保至三車凌忭迎十里外宣

諭之跪奏噶爾丹策凌時思內附以衆志未變且法
嚴故不獲間今避亂歸思覲

天顏蒙

恩軫念避痘令緩入

覬期請先以宰桑等朝

京師車凌使曰和通巴顏克什克車凌烏巴什使
曰哈錫塔車凌蒙克使曰巴圖明年正月使至
詔與朝正諸藩臣宴

上以所部間道至駝馬疲甚且乏畜產不忍遽遠徙
詔視推河扎克拜達里克庫爾奇勒可耕地置之穀

種取諸歸化城復

賜車凌車凌烏巴什羊各五千車凌蒙克羊三千贍
之尋定牧扎克拜達里克車凌烏巴什屬巴啟
齊倫等叛逸喀爾喀卒盜車凌屬伊爾都齊馬
索不給且射殺之

詔喀爾喀扎薩克以鄂爾坤防秋兵百視牧復檄諸
扎薩克隣汎者弋叛賊務獲後巴啟等就擒論
罪夏四月

諭曰內扎薩克及喀爾喀咸設正副盟長董理牧務
今新降台吉車凌等攜至戶口悉編旗分佐領其
設正副盟長如內扎薩克及喀爾喀例

賜賽因濟雅哈圖盟名五月

駕幸熱河

駐蹕避暑山莊三車凌率諸台吉至

賜宴萬樹園

命觀火戲

諭曰杜爾伯特台吉車凌等皆準噶爾渠酋向慕仁
化率萬餘衆傾心來歸宜敷渥澤錫予封爵以示
懷柔至意其各鈐所屬令安分謀業勿負朕恩時
所部設扎薩克十有三自三車凌外曰色布騰
曰蒙克特穆爾曰根敦曰班珠爾曰剛曰巴圖
蒙克曰瑪什巴圖曰達什敦多克曰恭錫喇曰
巴爾封親郡王貝勒貝子公一等台吉有差後
蒙克特穆爾以從車凌蒙克子巴朗叛逃別授

其弟額布根為扎薩克餘仍爵詳列傳秋七月
將軍策楞請徙三車凌牧于歸化城青山東時
議脩兵征達瓦齊

諭曰巴朗等甫叛竄若徙之將滋新降疑懼且非辦
理準噶爾本意其令安處舊牧勿他徙三車凌之
至也告族台吉訥默庫留準噶爾戶千餘剛多
爾濟額爾德尼巴圖博羅特如之將乘間內徙
至是果偕輝特台吉阿睦爾撒納和碩特台吉

班珠爾至

詔賜牧畜置塔楚隣三車凌牧十月

駕由

盛京

旋蹕避暑山莊訥默庫等入

覲復

賜宴錫之爵曰訥默庫封郡王曰剛多爾濟曰巴圖
博羅特封貝勒曰布圖克森曰額爾德尼曰羅

壘永端封貝子曰布顏特古斯曰蒙克博羅特
封輔國公曰烏巴什曰伯勒克封一等台吉凡
設扎薩克十

詔編旗分佐領如三車凌例分左右翼設正副盟長
各一訥默庫者車凌烏巴什兄子也剛多爾濟
布圖克森額爾德尼羅壘永端烏巴什伯勒克
皆車凌烏巴什曾祖察衮裔布顏特古斯巴圖
博羅特蒙克博羅特亦戚族也後訥默庫晉親

王子喇嘛扎卜授貝勒以叛除爵布圖克森羅
壘永端烏巴什皆無嗣停襲伯勒克卒子多第
巴襲多第巴卒子呢爾瓦齊襲呢爾瓦齊卒無
嗣以多第巴弟布雅德勒格爾襲布雅德勒格
爾卒無嗣停襲布顏特古斯卒子舍稜襲以叛
除剛多爾濟無嗣額爾德尼子襲之額爾德尼
卒無嗣亦停襲巴圖博羅特蒙克博羅特皆以叛
除故自剛多爾濟外皆不立傳二十年烏梁海

降臣察達克招服包沁察獲杜爾伯特屬以獻
詔給所部尋從大軍征達瓦齊三車凌既入

覲歸

詔選兵二千以車凌領其一隸北路車凌蒙克色布
騰從之以車凌烏巴什領其一隸西路各授叅
贊大臣訥默庫等繼至請從軍

詔隸西路以車凌烏巴什訥默庫皆幼不更事

詔調車凌蒙克赴西路軍從車凌烏巴什訥默庫等

行而是時阿睦爾撒納為北路副將軍訥默庫其妻弟也固請隸北路軍

允之以故偕三車凌至者隸西路副將軍薩拉爾隊偕訥默庫至者隸北路副將軍阿睦爾撒納隊賜車凌整裝銀二千車凌烏巴什訥默庫各減十之二給從軍者羊及餼糧有差復

詔車凌及車凌蒙克遣宰桑以善耕卒百赴額爾齊斯蓋杜爾伯特衆兼耕牧業視喀爾喀專以牧

為產者異將

遣綠旗及喀爾喀兵屯耕額爾齊斯以所部識水泉
道且善耕

命簡卒往導俟大功成遣牧衆歸額爾齊斯會北路
軍奏至以訥默庫叅贊列名

詔西路軍奏如之列三車凌及色布騰名次叅贊大
臣鄂容安後復

諭定北將軍班第俟伊犁定遣車凌車凌烏巴什等

率新降諸台吉入

覲初議征達瓦齊

上以衛拉特諸台吉後先附凡數萬衆錯處內牧非
得地衆建之不可

詔侯準噶爾定將復設四衛拉特以車凌為杜爾伯
特汗別以班珠爾為和碩特汗以阿睦爾撒納
為輝特汗以噶爾丹策凌子姓為綽羅斯汗車
凌等赴軍時輒聞

命大兵抵伊犁達瓦齊就擒班第以車凌車凌烏巴
什訥默庫及新降之綽羅斯台吉噶爾藏多爾
濟和碩特台吉沙克都爾曼濟輝特台吉巴雅
爾等列入

覲初班

駕幸木蘭車凌等至

召覲行幄

慰諭之

旋蹕避暑山莊

御淡泊敬誠殿受朝

詔以車凌為杜爾伯特汗諸扎薩克隸之扎薩克而
下設管旗章京副管旗章京叅佐領驍騎校等
職時阿睦爾撒納覬轄四衛拉特知不可得叛
竄班珠爾以附逆械至噶爾藏多爾濟沙克都
爾曼濟巴雅爾仍各

賜汗爵統所部衆

諭曰準噶爾互相殘殺羣遭塗炭不獲安生朕統一
寰區不忍坐視特發兩路大兵進討諸台吉宰桑
等畏威懷德率屬來歸從軍自効今已平定伊犁
擒獲達瓦齊是用廣沛仁恩酬庸効績準噶爾舊
有四衛拉特汗令即仍其部落樹之君長其各董
率所屬務勤養教共圖生聚受朕無疆之福其後
綽羅斯汗噶爾藏多爾濟叛從子扎納噶爾布
戮之所部就滅輝特汗巴雅爾以叛為大軍所

擒誅和碩特汗沙克都爾曼濟懷貳志副都統
雅爾哈善殲其衆于巴里坤惟杜爾伯特部恪
守臣節世受封爵罔替是年十二月車凌等以
乏牧產請徙額克阿喇勒

諭曰前議平定伊犁後遣歸舊牧額爾齊斯若額克
阿喇勒距額爾齊斯較扎克拜達里克路更邇且
附內汛外調所部兵亦易俟擒獲阿逆後仍當遣
歸舊牧所部生計既艱其給籽糧六百石務令及

時耕種毋誤農期至從軍所給駝馬自應交納但
念往返道遠牲畜不無疲瘠可姑緩期二載訥默
庫之將從征達瓦齊也請徙牧拜達里克北扎
布堪河源博囉喀卜齊爾至鄂爾海喀喇烏蘇
界

允之

諭努力成功勿念游牧衆至是以車凌等將徙牧
詔往會而訥默庫隱有叛志謀竄就阿睦爾撒納剛

多爾濟巴圖博羅特布顏特古斯等阻之卒不
戢從衆復乘間刼驛騎戕守汎弁奪運糧商民
駢物及貲二十一年春駐防烏里雅蘇台辦事
大臣阿蘭泰偕車凌車凌烏巴什等以兵擒訥
默庫及其孥械至論如律

詔不附逆諸扎薩克各安游牧勿疑懼復

諭曰剛多爾濟等屬妄行刼掠應交部議扎薩克罪
但念伊等新降未諳內地禁例姑從寬免夏以所

部鄰扎哈沁盜不戢

諭曰伊等生計全賴牧畜若復盜竊相仍不獲蕃孳
生計焉能充裕其各鈐束部衆務期守分安生副
朕休養羣生至意有伯什阿噶什者伊斯扎布之
曾孫也祖扎勒父車凌多爾濟伯什阿噶什兄
曰布達扎卜曰達瓦克什克弟曰達瓦濟特曰
格咱巴克聚牧伊犁河西沙拉伯勒境鄰哈薩
克牧達瓦齊虐其衆伯什阿噶什將棄之懼襲

而寢大軍征達瓦齊抵伊犁班第遣使招因獻
籍三千餘戶降將遣從車凌等入

覲告哈薩克數掠所部請歸視比抵牧偵哈薩克集
兵遣告且請大軍援

諭嘉其恭順會阿睦爾撒納叛逆黨擾伊犁

詔遣和碩特輔國公納噶察賚

敕往諭曰準噶爾內亂頻仍各部人衆咸失生業朕
為統一天下之君懷保羣生無分中外特發大軍

往定伊犁方欲施恩立制永安反側乃逆賊潛懷
叛志妄思并吞諸部肆其荼虐罪狀已著畏誅潛
遁朕已命將窮追務期弋獲逆賊一日不獲諸部
一日不安爾台吉輸誠歸命果能仰體朕旨去逆
效順或以兵協勦阿逆或俟至爾牧擒獻之朕必
大沛殊恩爾其奮勉自効達瓦齊復奏伯什阿噶
什及庫本諾音台吉諾爾布必無異志

命遺之書未達而伯什阿噶什徙牧初傳偕諾爾布

內附久之不至或以居博囉塔拉告

詔將軍策楞等偵之無其跡時阿睦爾撒納敗竄
諭叅贊大臣侍郎玉保等偵阿逆赴伯什阿噶什牧
即諭擒獻或故縱以兵勦之伯什阿噶什養子
博東齊尋偕宰桑諾斯海挈衆至以哈薩克侵
牧告宰桑賽音伯勒克得木齊恩克濟爾哈爾
等踵至告哈薩克道掠間走乃免

詔博東齊以兵迎其父暫置從衆于額爾齊斯諾斯

海護視之賽音伯勒克或從博東齊往或留牧
額爾齊斯惟其便博東齊將行伯什阿噶什攜
戶八百餘抵額爾齊斯請內附烏巴什其族台
吉也從至

詔封伯什阿噶什為扎薩克和碩親王烏巴什為扎
薩克固山貝子

賜諭曰爾誠心感戴率衆投誠前大軍抵伊犁即謁
將軍大臣甫欲加恩封賞旋遇阿逆背叛未獲舉

行爾為哈薩克所掠輾轉遷徙始克內附爾衆甫
至不必簡兵往從大軍亦無須徙內地即游牧額
爾齊斯所爾族台吉車凌等將歸舊牧爾等聚族
而處實為允協不必遠離故土徒勞往返也

命甫下伯什阿噶什等攜衆抵哈達青吉勒

詔暫留俟明歲歸額爾齊斯牧七月車凌車凌烏巴
什剛多爾濟等以徙牧額爾齊斯請定入

覲年班

諭嘉其誠悃

詔自來年始定三班前給從軍駝馬姑緩期納示恤
九月伯什阿噶什來朝弟達瓦濟特及兄子丹
巴都噶爾布魯特扣肯以視牧故各遣宰桑代
至

賜宴

賽馬七百牛百五十羊三千

詔編旗分佐領如三車凌及剛多爾濟等來歸例別

為一盟以伯什阿噶什為盟長烏巴什副之丹
巴都噶爾授協理台吉伯什阿噶什甫歸牧其
妻卒

遣侍衛佛保往醞伯什阿噶什尋卒無子

詔副都統唐喀祿賻祭宣

諭以丹巴都噶爾為扎薩克固山貝子以達瓦濟特
為扎薩克公轄伯什阿噶什衆聽歸車凌牧及
內徙而丹巴都噶爾與佐領色布騰互攘畜產

佛保將至牧駝馬為所掠

詔撤恩命還復

諭烏巴什勿驚懼俟事定歸車凌牧後烏巴什卒停襲故不立傳二十二年車凌以哈薩克不擒獻阿逆諸厄魯特叛擾邊請由額爾齊斯徙牧烏蘭固木避之時喀爾喀貝子車布登扎布遵

旨遣兵勦掠佛保賊收伯什阿噶什屬戶給喀爾喀將遣博東齊歸車凌牧族台吉布圖庫班珠爾

布林等挈屬至稱與車凌等析處久請異牧

允之布圖庫等抵汎聞佛保自哈達青吉勒歸和碩
特台吉桑濟復掠諸道遣從卒馳馬迎

上聞之

諭曰車凌等自歸誠以來感激朕恩約束屬衆甚為
寧謐邇因叛賊紛起亟請內徙游牧其歸附之心
益堅可允所請并給穀種令為謀生資博東齊雖
與杜爾伯特同族若往歸之反仰賴車凌等養贍

著遣往烏里雅蘇台交車布登扎布酌徙呼倫貝爾通肯呼裕爾等處布圖庫班珠爾等接迎侍衛佛保侯至烏里雅蘇台軍所各給幣賞之後博東齊及布圖庫等咸置呼倫貝爾布圖庫班珠爾以內附誠各授二等台吉而貝勒巴圖博羅特輔國公舍稜不從車凌等徙牧叛應阿睦爾撒納副都統瑚爾起以兵擒諸輝巴朗山妻孥悉論誅先是杜爾伯特及烏梁海未內屬錯牧額

爾齊斯後杜爾伯特諸台吉至游牧扎克拜達
里克初徙牧額克阿喇勒再徙額爾齊斯烏梁
海就撫以烏蘭固木地給之車凌等復請由額
爾齊斯往徙

遣都統納穆扎爾勘杜爾伯特及烏梁海牧界車凌
復請以烏蘭固木為屯耕地而游牧于科布多
額克阿喇勒

允之

詔嚴禁所屬勿攘竊尋以錯牧不便定烏蘭固木為
杜爾伯特牧別以科布多為烏梁海牧二十四
年烏梁海以科布多產貂不給捕請徙就阿爾
台陽額爾齊斯

諭車凌烏巴什等曰額爾齊斯為爾舊牧今爾移處
烏蘭固木烏梁海察達克請游牧額爾齊斯地向
曾降旨爾等若願歸舊牧聽爾便今哈薩克已全
部內附伊犁厄魯特賊衆復殲無子遺若爾果願

歸舊牧可即徙往額爾齊斯所遺烏蘭固木自可
給烏梁海處之但哈薩克新附非爾等久為內屬
者比務宜嚴飭所屬安靜無事若爾部衆既遵鈐
束而哈薩克反來肆擾可即擒誅之爾等或安土
重遷則額爾齊斯地與其為哈薩克俄羅斯所竊
據不若令烏梁海往徙之也車凌烏巴什等奏察
達克所請地係烏梁海舊牧距臣等牧遠且烏
蘭固木地肥不磽臣等游牧久請勿徙以額爾

齊斯地給烏梁海

詔如所請是年十月以大軍定回部歲功

諭車凌烏巴什等知之十二月偵哈薩克襲烏梁海

以兵三百餘擊走得

旨獎賚二十五年四月以所部有溫圖呼爾者貧不
給聞其弟居察哈爾牧告諸扎薩克往就之

諭曰杜爾伯特自歸誠以來編設旗分佐領原欲伊
等各安生業若不善恤之漸至析處殊為可憫其

各加意撫綏令守分謀生勿至流離失所副朕痼
瘵一體之懷七月車凌烏巴什等扈

蹕行圍奏所部蒙

恩安置牧產漸饒嗣請自備駝馬

上嘉其誠悃不忍驟勞之

詔仍官給駝馬二十七年

詔左右翼各設副將軍一右翼用正黃旗肅左翼用

正白旗肅以

敕印軍符給之所部旗十有六爵如之扎薩克特古
斯庫魯克達賴汗一扎薩克和碩親王一扎薩
克多羅郡王一扎薩克多羅貝勒二扎薩克固
山貝子二扎薩克鎮國公一由貝子降襲扎薩
克輔國公二扎薩克一等台吉四輝特扎薩克
一等台吉二

欽定外藩蒙古回部王公表傳卷之九十四

欽定四庫全書

史部

欽定外藩蒙古高部王公表傳卷九十五
至一百

主事_臣陳若霖覆校

總校官編修_臣倉聖脉

欽定四庫全書

欽定外藩蒙古回部王公表傳卷之九十五

傳第七十九

扎薩克特古斯庫魯克達賴汗車凌列傳

車凌杜爾伯特部人姓綽羅斯系出博羅諾哈

勒詳總傳曾祖鄂木布岱青和碩齊有子三長

伊斯扎布三傳至伯什阿噶什以來歸封親王

後停襲故不立傳次察袞其裔別為兩扎薩克

詳親王車凌烏巴什傳次車臣台吉子二長固
哩什達子即車凌次德濟特無嗣鄂木布岱青
和碩齊裔設扎薩克三車凌其一也且以汗爵
統所部初游牧額爾齊斯為準噶爾屬乾隆十
八年以達瓦齊不足事率所部衆來歸從者三
千百七十餘戶口以萬計

上鑒其誠

遣官齎

御用冠服頒

賜十九年二月

詔選所部兵二百以台吉色布騰領之赴內大臣薩
拉爾軍招烏梁海衆四月授盟長五月入

覲

詔封扎薩克和碩親王歸牧復以所部兵五百從薩
拉爾勦烏梁海二十年

詔授叅贊大臣從西路軍征達瓦齊車凌等聞

命自牧所馳抵軍

賞三眼孔雀翎

諭常服之軍行抵察罕烏蘇遣佐領蒙克從侍衛塔
齊圖檄達瓦齊速降大軍抵伊犁

詔賜親王雙俸增護衛員倍之尋率新降台吉入
覲飲至

詔封杜爾伯特汗

賜特古斯庫魯克達賴號授左翼盟長

賞銀三千遣歸牧二十一年族台吉納默庫叛誅

詔籍其屬分給之尋徙牧從衆或劫驛騎叅贊大臣
舒赫德巡軍汎至努克木倫聞之往詰罪車凌
察却者以獻請論罪

諭嘉其恭順

賜佩飾獎之既而汗哈屯烏梁海衆附和託輝特逆
賊青衮咱卜叛

詔車凌率兵勦烏梁海尋為大軍所定

命勿赴二十二年以噶勒雜特宰桑哈薩克錫喇附

阿睦爾撒納叛大軍將由西路進剿

詔副都統唐喀祿宣

諭之曰哈薩克錫喇等或勢窮力蹙逃赴哈薩克境
爾等其簡兵防守游牧并堵禦通哈薩克隘口遇
賊竄即擒獻此特為保護所部游牧計非令其出
兵協剿也會和碩特台吉桑濟叛擾邊車凌遣親
王車凌烏巴什貝子瑪什巴圖等兵擊之復以

哈薩克錫喇遣得木齊巴圖濟爾噶爾來誘叛
械赴科布多軍而自攜其衆徙牧和通呼爾哈
諾爾唐喀祿遵

旨諭所部遣卒七十從往疏至

諭嘉其誠順且明大義

賜幣及佩飾尋諜明噶特烏梁海衆叛竄哈喇哈爾
榜復遣兵勦

詔酌賞從軍弁兵免追從征達瓦齊所給駝馬有察

衮者其壻也附阿睦爾撒納叛聞追軍至竄和洛霍斯河為厄魯特達什所擒獻

詔論罪誅宥其妻給車凌二十三年車凌卒

上以準噶爾擾亂初車凌識時慕義率屬歸誠及準噶爾蕩平始終抒誠効力鈐牧衆謚無事

軫悼之

賜賻祭子索羅木衮布襲

一次襲索羅木衮布車凌長子乾隆二十三年

三月襲扎薩克特古斯庫魯克達賴汗尋授盟
長

詔勤習牧務六月索羅木袞布以疾故請往禮哲卜
尊丹巴呼圖克圖喀爾喀親王成袞扎布以

聞

詔聽之九月

諭曰盟長分理全部所係甚要聞索羅木袞布襲封
後時有疾今已授巴桑為副盟長巴桑亦係少年

恐不更事親王車凌烏巴什貝子瑪什巴圖等誼
關同族自應視如一體務宜悉心協助加意辦理
不可稍存彼我之見二十五年定所部管旗章京
策塔爾罪蓋索羅木袞布少而懦其哈屯布呢
達喇喀爾喀女也鈐所部衆嚴策塔爾等忌之
計蟻歸喀爾喀副管旗章京巴顏克什克訐之
成袞扎布所遣員往訊僉稱哈屯直成袞扎布
將重議策塔爾罪以庇族女嫌疏請罷策塔爾

職別以和通代之偕副管旗章京巴顏克什克
助汗哈屯理牧務

諭曰為人臣僕而威脅其汗且謀逐哈屯不法已極
宜重罪之或以新附尚未悉禮法故姑從寬免然
亦不可仍留舊地致起釁端其詳勘欺主滋事不
受哈屯約因計陷之者解送京師成衮扎布遵
旨察獲策塔爾黨十四人械至

詔遣戍福建廣東牧產給索羅木衮布勿歸公既而

布尼達喇請以巴顏克什克代管旗章京職

諭曰策塔爾以巴顏克什克許因而獲罪若令代之則無知者妄生希冀反以互許為能且管旗章京既有和通理之巴顏克什克令其協助足矣三十四年索羅木袞布卒子瑪克蘇爾扎布襲

二次襲瑪克蘇爾扎布索羅木袞布子乾隆三十四年襲扎薩克特古斯庫魯克達賴汗四十七年

詔世襲罔替

扎薩克和碩親王車凌烏巴什列傳

車凌烏巴什杜爾伯特人姓綽囉斯扎薩克特
古斯庫魯克達賴汗車凌從子其曾祖察袞為
鄂木布岱青和碩齊次子見車凌傳察袞子二
長丹津次達爾扎丹津子三曰阿喇布坦曰達
克巴曰巴圖鄂齊爾阿喇布坦子二長達什次
即車凌烏巴什達什子訥默庫以叛誅達克巴

嗣詳貝勒剛多爾濟傳已圖鄂齊爾無嗣達爾
扎子二長車凌達什次伯勒克車凌達什子烏
巴什及伯勒克皆以來歸授扎薩克台吉後停
襲故不立傳乾隆十八年車凌烏巴什從車凌
來歸先是喇嘛達爾扎篡襲準噶爾台吉達瓦
齊約達什及車凌烏巴什挈衆內附達什等將
從之已而懼以其謀告喇嘛達爾扎擊達瓦齊
擒其衆之半達瓦齊篡襲達什卒車凌烏巴什

攜母妻子女至從者千二百餘戶

上以所部諸台吉車凌長車凌烏巴什次之

詔頒賜

御用冠服如車凌十九年四月授副盟長五月入

覲

詔封扎薩克多羅郡王遣歸牧二十年

詔授叅贊大臣從西路軍征達瓦齊

賞三眼孔雀翎

諭常服之大軍抵伊犁

詔晉封和碩親王時達瓦齊不即降由格登挈千餘
騎竄踰庫魯克嶺諸軍分道躡皆以馬疲返車
凌烏巴什偕輔國公瑪什巴圖率輕騎八百尾
之達瓦齊尋為烏什伯克霍集斯所擒獻車凌
烏巴什入

覲飲至

詔授右翼盟長二十一年從子訥默庫叛誅

詔籍其屬分給之二十二年以和碩特台吉桑濟叛
擾邊偕貝子瑪什巴圖馳勦之

獎賜

御用佩飾會車凌以其衆徙牧和通呼爾哈諾爾
詔車凌烏巴什或從車凌往或游牧科布多惟其便
車凌烏巴什徙就車凌道遇副都統唐喀祿迎
謁之唐喀祿語曰厄魯特哈薩克錫喇叛擾額
爾齊斯我將赴西路軍協勦且奉

旨令徵爾部兵車凌烏巴什遣護衛巴顏及卒三十
從之且稱額爾齊斯及烏隆古地值盛夏多蚊
地道不可行額琳哈畢爾噶哈布塔克拜達克
皆以察罕郭勒為要汛請往禦賊於其地唐喀
祿以

聞

獎賜幣二十三年諜嗎哈沁賊呼里木由索倫叛遁
呼倫貝爾馳兵往勦二十五年或告車凌烏巴

什將叛欲陰陷之定邊左副將軍成衮扎布以聞

上鑒其誣

詔勿問尋入

覲扈

蹕木蘭行圍

溫諭之二十七年

詔授右翼副將軍

命御前行走

賜岱青卓哩克圖號二十八年烏梁海叛賊庫克卒
走俄羅斯道掠哈薩克馬車凌烏巴什率兵緝
之偵匿和羅圖郭爾馳往擊賊潰竄尾至林際
獲之斬庫克卒及從黨五十八人俘其孥及戶
七十餘歸

詔賜幣帛兵酌賞示勵有台吉巴朗者其甥也幼被
哈薩克掠二十八年脫歸伊犁請隸車凌烏巴

什

詔給之四十一年朝正車凌烏巴什先避痘歸誠二十餘載不敢至內地至是已出痘入

覲京師

賜宴紫光閣

命進酒

御前上元夕

詔觀燈火

御製詩紀之有厄魯近多出痘者也教元夕賞皇州之句四十七年

諭曰車凌烏巴什初封郡王繼而平定伊犁晉封扎薩克和碩親王自歸誠以來鈐束所屬恪慎供職且在御前行走有年著加恩令扎薩克和碩親王爵世襲罔替

欽定外藩蒙古回部王公表傳卷之九十五

欽定四庫全書

欽定外藩蒙古回部王公表傳卷之九十六

傳第八十

扎薩克多羅郡王車凌蒙克列傳

車凌蒙克杜爾伯特人姓綽囉斯扎薩克特古
斯庫魯克達賴汗車凌從叔父其父伯布什為
保伊爾登第四子有子一即車凌蒙克乾隆十
八年偕車凌車凌烏巴什來歸所部以三車凌

稱之杜爾伯特諸台吉車凌蒙克行獨尊且兼
領巴約特務以故從車凌蒙克至者凡七百餘
戶咸屬僅百有十四餘皆巴約特屬隸之者十
九年入

覲

詔封扎薩克多羅貝勒車凌蒙克子四長齊默克早
死次巴朗次巴雅勒當次博斯和勒巴朗從父
內附中道謀竄歸準噶爾以告巴雅勒當及宰

桑濟爾哈朗達瓦達爾扎納木凱贊卜尼瑪齊
嵬等未敢發車凌蒙克入

覲將以子巴朗及巴雅勒當行巴朗詭稱疾不之從
巴雅勒當復固辭弗許携就道巴朗煽齊默克
子巴布勒及屬衆二百餘遁族台吉蒙克特穆
爾從之

詔將軍策楞等緝巴朗及蒙克特穆爾務獲其從逃
衆悉宥車凌蒙克歸牧巴朗遣從者伯克增啟

誘巴雅勒當往會遇汎兵就擒訊得狀

詔誅伯克增啟嚴防間諜及游牧衆竄巴朗偕蒙克
特穆爾由北路間道行經烏克嶺哈布塔克拜
達克奇蘭阿拉克台布哈和洛諸境聞追軍至
輒逸其從逃之沙拜塔爾納瑪琳曼集巴顏恩
克等後先脫歸

詔宥罪給車凌蒙克轄之二十年

詔授叅贊大臣從西路軍征達瓦齊

諭西路副將軍薩拉爾曰巴朗負恩叛逃即窮蹙乞
降非投誠可比或聞其父車凌蒙克進兵西路潛
由北路奔走額琳哈畢爾噶迎降乞宥爾聞之即
遣兵往擒巴朗令車凌蒙克自不得以招撫為辭
既而巴朗及蒙克特穆爾竄塔本集賽副都統達
什敦多布馳緝之巴朗棄孥遁已布勒偕蒙克特
穆爾留噶勒雜特宰桑都噶爾所大軍至都噶
爾以獻不旬日額伯津宰桑等檻巴朗至北路

軍

諭車凌蒙克曰爾父子前來歸誠冀受朕恩甫入覲
爾子巴朗乘間遁不獨負朕恩且悖爾志情罪甚
重國法難貸念爾誠心感戴効力從軍爾孫巴布
勒或為巴朗所逼或與巴朗同謀皆可置之不問
以加恩爾故特宥之俟至烏里雅蘇台仍遣赴爾
游牧爾其知之大軍抵伊犁

詔晉爵多羅郡王定北將軍班第以達瓦齊不即降

令車凌蒙克督所部兵駐防伊犁達瓦齊就擒
乃遣歸

詔授右翼副盟長巴朗及蒙克特穆爾械至告祭

太廟

社稷

上御午門樓行受俘禮誅之二十二年車凌蒙克卒
諭嘉其輸誠內附奮力報効

賜賻祭子巴雅勒當襲

一次襲巴雅勒當車凌蒙克次子乾隆二十二年襲扎薩克多羅郡王二十三年卒無嗣弟博斯和勒襲

二次襲博斯和勒車凌蒙克第四子乾隆二十四年襲扎薩克多羅郡王四十六年卒子納旺索諾木襲

三次襲納旺索諾木博斯和勒長子乾隆四十六年襲扎薩克多羅郡王四十七年

詔世襲罔替

郡王品級扎薩克多羅貝勒色布騰列傳

色布騰杜爾伯特人姓綽囉斯扎薩克特古斯
庫魯克達賴汗車凌族祖其祖巴特瑪多爾濟
有子三長蒙和岱次扎勒次丹達爾蒙和岱裔
別設扎薩克四詳貝子班珠爾傳扎勒子三長
琿托和爾車凌子即色布騰次邁雅次三扎卜
其裔皆授閑散台吉丹達爾無嗣巴特瑪多爾

濟裔設扎薩克五色布騰其一也乾隆十八年
從三車凌來歸甫屯牧內汛三車凌以色布騰
善約衆且內附誠告我視牧臣

上知其才將任之十九年

詔叅贊軍務偕內大臣薩拉爾議招烏梁海及扎哈
沁復以所部諸台吉避痘

諭色布騰馳至張家口外

命大學士公傳恒迎勞之傳

旨封多羅貝勒歸牧協理所部盟長務既而三車凌
率諸台吉來朝

行在

賜爵有差

詔各授扎薩克色布騰如之時色布騰歸牧以議烏
梁海務赴薩拉爾軍族台吉巴朗蒙克特穆爾
等蓄叛志久至是乘間挈衆逃

上聞之

諭嘉色布騰善轄衆

詔速以兵擒叛黨色布騰馳追之巴朗入準噶爾境
不及而返是年冬

詔偕新降輝特台吉阿睦爾撒納入

覲二十年

詔授叅贊大臣從西路軍征達瓦齊大軍抵伊犁達
瓦齊不即降定北將軍班第令色布騰轄烏魯
木齊至博囉塔拉郵務達瓦齊就擒色布騰入

覲飲至

詔授左翼副盟長時阿睦爾撒納叛請率兵往勦
上以甫從軍還不欲數勞之

慰歸牧未幾以色布騰與阿睦爾撒納夙怨且悉厄

魯特情

詔赴烏里雅蘇台偕駐防大臣等籌軍務仍授叅贊

大臣以所部兵從數惟便悉給俸餉口糧

命甫下色布騰馳就道

諭曰色布騰自歸誠以來奮勉効力征準噶爾頗著
勤勞且聞朕旨即以兵馳赴烏里雅蘇台軍急公
任事誠可嘉予著賞郡王品級若能更立殊勲朕
當加以重賞今由西路進兵擒厄魯特叛賊北路
尚無所事惟新收汗哈屯烏梁海及續降輝特衆
應加防範著色布騰留心體察既抵軍營妻孥悉
令從往所有陳奏軍務著列名于喀爾喀親王成
袞扎布桑齋多爾濟之次都統雅爾哈善之前色

布騰尋以疾道卒

賜賻祭子巴桑襲

一次襲巴桑色布騰長子乾隆二十一年襲扎薩克多羅貝勒二十三年扈

蹕木蘭行圍

詔授副盟長二十六年從喀爾喀郡王車木楚克扎布等勦嗎哈沁宰桑色布騰偵走俄羅斯以兵屯鏗格爾圖喇遣使索俄羅斯擒色布騰及逆

黨百餘以獻

賜已桑幣從兵悉酌賞二十七年授左翼副將軍四

十七年

詔世襲固替

扎薩克多羅貝勒剛多爾濟列傳

剛多爾濟杜爾伯特人姓綽囉斯扎薩克特古

斯庫魯克達賴汗車凌從子父達克巴為鄂木

布岱青和碩齊曾孫見親王車凌烏巴什傳達

克巴子四長塔爾巴濟早死子布圖克森次羅
壘永端次即剛多爾濟次額爾德尼皆以來歸
授扎薩克後惟留剛多爾濟所遺爵餘皆絕嗣
停襲乾隆十九年剛多爾濟自準噶爾挈戶千餘
來歸時所部台吉至者以訥默庫為長剛多爾
濟次之尋入

覲

詔封剛多爾濟為扎薩克多羅貝勒訥默庫及羅壘

永端額爾德尼布圖克森等各

賜郡王貝勒貝子爵有差詳總傳二十年從北路軍
征達瓦齊抵伊犁達瓦齊不即降走格登剛多
爾濟偕訥默庫額爾德尼等躡之達瓦齊尋為
烏什伯克霍集斯所擒阿睦爾撒納詭稱葉爾
羌喀什噶爾諸回衆將襲伊犁請勿遣剛多爾
濟歸令護視特穆爾圖諾爾降衆蓋欲陰煽之
為已助也班第察其奸不之從遣剛多爾濟歸

有鄂勒錐者其屬也偕訥默庫屬諾斯海自哈薩克使還道遇阿睦爾撒納強令從行阿睦爾撒納叛以鄂勒錐等非其黨麾從者擊之鄂勒錐偕諾斯海奮搏逾時乃脫遇游騎載賊裝至迎奪之事

聞

詔優賚二十一年訥默庫將叛竄剛多爾濟尾之尋擒訥默庫論罪

詔剛多爾濟等安處如故大軍之自伊犁旋也杜爾伯特設正副盟長各三從車凌至者分左右翼曰車凌曰車凌烏巴什為盟長曰色布騰曰車凌蒙克副之從訥默庫至者別自為部以訥默庫為盟長剛多爾濟副之至是

諭曰訥默庫盟長員缺剛多爾濟自授副盟長以來鈐束所衆尚為寧謐著即授為盟長二十二年貝子羅壘永端布圖克森相繼卒皆無嗣

詔以其屬給剛多爾濟及貝子額爾德尼轄之二十三年偕貝勒巴桑貝子奇塔等扈

蹕木蘭行圍

優賚有差三十二年卒無嗣以額爾德尼子達瓦丕勒襲

一次襲達瓦丕勒剛多爾濟從子乾隆三十二年襲扎薩克多羅貝勒四十七年

詔世襲罔替

欽定外藩蒙古回部王公表傳卷之九十六

欽定四庫全書

欽定外藩蒙古回部王公表傳卷之九十七

傳第八十一

扎薩克固山貝子瑪什巴圖列傳

瑪什巴圖杜爾伯特人姓綽羅斯扎薩克特古
斯庫魯克達賴汗車凌族弟祖額璘沁巴圖爾
生蒙克第子二長巴圖蒙克其裔別為二扎薩
克詳貝子根敦傳次即瑪什巴圖乾隆十八年

從三車凌來歸十九年入

覲

詔封扎薩克輔國公二十年從西路軍征達瓦齊抵伊犁達瓦齊不即降走格登馳擊之達瓦齊復逸諸軍分道躡皆以馬疲返瑪什巴圖從親王車凌烏巴什輕騎尾其後達瓦齊尋為烏什伯克霍集斯所擒乃還

諭嘉其奮志効力晉封固山貝子二十二年以和碩

特台吉桑濟叛擾邊偕車凌烏巴什馳勦之

獎賜

御用佩飾二十三年

詔協理所部盟長務

賜幣二十九年卒子布延濟爾噶勒襲

一次襲布延濟爾噶勒瑪什巴圖長子乾隆三

十年襲扎薩克固山貝子四十四年卒子和託

羅襲

二次襲和託羅布延濟爾噶勒長子乾隆四十
四年襲扎薩克固山貝子四十六年卒子諤勒
哲布圖庫襲

三次襲諤勒哲布圖庫和託羅長子乾隆四十
六年襲扎薩克固山貝子四十七年

詔世襲固替

扎薩克固山貝子班珠爾列傳

班珠爾杜爾伯特人姓綽囉斯扎薩克特古斯

庫魯克達賴汗車凌族子祖蒙和岱為巴特瑪
多爾濟長子見貝勒色布騰傳蒙和岱子三長
達賴次巴圖蒙克次烏勒木濟達賴子二長恩
克子五詳扎薩克台吉額布根傳次根扎布子
一即班珠爾巴圖蒙克及烏勒木濟子各授扎
薩克輔國公別有傳乾隆十八年班珠爾從三
車凌來歸十九年

詔封扎薩克固山貝子既而所部諸台吉咸從大軍

征達瓦齊或隸薩拉爾隊稱西路哨探軍或隸
阿睦爾撒納隊稱北路哨探軍班珠爾以疾不
獲從尋卒無嗣其妻有娠將議襲爵

詔待之未幾班珠爾妻卒其母請以恩克子奇塔襲
爵轄所部衆

允之

一次襲奇塔班珠爾從子乾隆二十年襲扎薩
克固山貝子二十三年薨

蹕木蘭行圍

優賚之四十四年卒子羅卜藏薩木坦襲

二次襲羅卜藏薩木坦奇塔長子乾隆四十四年襲扎薩克固山貝子四十七年

詔世襲固替

扎薩克固山貝子根敦列傳

今襲鎮國公

根敦杜爾伯特人姓綽囉斯扎薩克特古斯庫魯克達賴汗車凌族弟父巴圖蒙克為額璘沁

巴圖爾孫見貝子瑪什巴圖傳巴圖蒙克子五
長即根敦次多布沁為閒散台吉次車本子巴
爾別授扎薩克台吉自有傳次洪和爾以根敦
再傳嗣絕襲其爵次巴桑為閒散台吉乾隆十
八年根敦攜諸弟及屬衆從三車凌來歸十九
年

詔封扎薩克固山貝子二十年從西路軍征達瓦齊
三十一年卒子扣肯襲

一次襲扣肯根敦子乾隆三十二年襲扎薩克
固山貝子三十三年卒無嗣

詔以其叔父洪和爾降襲鎮國公

二次襲洪和爾根敦弟乾隆三十三年襲扎薩
克鎮國公四十五年卒子諤勒哲鄂囉什瑚襲
三次襲諤勒哲鄂囉什瑚洪和爾長子乾隆四
十五年襲扎薩克鎮國公四十七年

詔世襲罔替

扎薩克輔國公巴圖蒙克列傳

巴圖蒙克杜爾伯特人姓綽囉斯扎薩克特古斯庫魯克達賴汗車凌從叔父祖巴特瑪多爾濟父蒙和岱見貝子班珠爾傳乾隆十八年巴圖蒙克從三車凌來歸十九年

詔封扎薩克輔國公二十年從西路軍征達瓦齊二十三年勦明噶特竄黨明噶特者烏梁海種也舊為厄魯特屬以大軍定伊犁乞降

詔置黑龍江之呼倫貝爾既而由納林喀喇泥叛遁
巴圖蒙克遵定邊左副將軍成衮扎布檄追擊
之遇諸烏蘭固木河環以兵不即降中夜圍稍
懈賊乘間逸成衮扎布効擊賊不謹罪

上以所部新附且聞檄輒以兵往

詔免飭責仍量加賞賚三十九年卒子烏呼斯襲

一次襲烏呼斯巴圖蒙克次子乾隆四十年襲

扎薩克輔國公四十七年

詔世襲罔替

欽定外藩蒙古回部王公表傳卷之九十七

欽定四庫全書

欽定外藩蒙古回部王公表傳卷之九十八

傳第八十二

扎薩克輔國公剛列傳

剛杜爾伯特人姓綽羅斯扎薩克特古斯庫魯克達賴汗車凌族弟父烏勒木濟為巴特瑪多爾濟孫見貝子班珠爾傳烏勒木濟子二長即剛次烏邁乾隆十八年剛從三車凌來歸十九

年

詔封扎薩克輔國公二十年從西路軍征達瓦齊先是所部扎薩克授輔國公爵三曰剛曰瑪什巴圖曰巴圖蒙克達瓦齊就擒軍旋瑪什巴圖以功晉貝子剛及巴圖蒙克仍輔國公爵各優賚之三十年剛卒子扎納巴克襲

一次襲扎納巴克剛長子乾隆三十年襲扎薩克輔國公四十七年

詔世襲固替

扎薩克一等台吉達什敦多克列傳

達什敦多克杜爾伯特人姓綽囉斯扎薩克特
古斯庫魯克達賴汗車凌族叔父祖鄂爾囉斯
為保伊爾登長子生扎布子二長唐古特子恭
錫喇授扎薩克台吉別有傳次即達什敦多克
乾隆十八年從三車凌來歸十九年

詔授扎薩克一等台吉二十年從西路軍征達瓦齊

先是達什敦多克挈戚族內附其從子卓倫齊
賓塔克圖及屬垂羅克等游牧額琳哈畢爾噶
及伊犁河濱不獲從至是大軍臨境後先乞降
詔給之二十三年卒子寶貝襲

一次襲寶貝達什敦多克長子乾隆二十三年
襲扎薩克一等台吉二十七年以烏梁海宰桑
庫克辛叛竄俄羅斯從親王車凌烏巴什馳兵
勦之四十七年

詔世襲罔替

扎薩克一等台吉恭錫喇列傳

恭錫喇杜爾伯特人姓綽囉斯扎薩克特古斯庫魯克達賴汗車凌族弟祖鄂爾囉斯父扎布見扎薩克台吉達什敦多克傳乾隆十八年恭錫喇從三車凌來歸十九年

詔授扎薩克一等台吉二十年從西路軍征達瓦齊二十一年卒子車登襲

一次襲車登恭錫喇長子乾隆二十一年襲扎薩克一等台吉四十五年卒子二長諤勒哲鄂囉什瑚次烏巴什相繼襲

二次襲諤勒哲鄂囉什瑚車登長子乾隆四十五年襲扎薩克一等台吉四十六年卒弟烏巴什襲

三次襲烏巴什車登次子乾隆四十六年襲扎薩克一等台吉四十七年

詔世襲罔替

扎薩克一等台吉額布根列傳

額布根杜爾伯特人姓綽囉斯扎薩克特古斯庫魯克達賴汗車凌族子父恩克為巴特瑪多爾濟曾孫見貝子班珠爾傳恩克子五長蒙克特穆爾以叛誅故不立傳次即額布根次齊巴克以額布根嗣絕襲其爵次奇塔襲班珠爾所遺扎薩克貝子別有傳次哈里特為閑散台吉

乾隆十八年額布根昆弟從三車凌來歸十九年額布根入

覲蒙克特穆爾留視牧

上以蒙克特穆爾為其昆弟長

詔封扎薩克固山貝子額布根將歸牧蒙克特穆爾從車凌蒙克子巴朗叛遁

詔撤額布根還勿赴牧以車根代轄其衆蓋防為竄黨所煽也額布根聞蒙克特穆爾叛自慚忿請

從大軍征達瓦齊且擒叛黨以贖乞車凌代入
告

上獎其知大義授扎薩克一等台吉有翁郭爾者蒙
克特穆爾屬也聞其主有叛志以不可阻蒙克
特穆爾刃傷之脅偕行翁郭爾卒不從裏創往
追竄黨縛密什爾以歸

詔授三等侍衛職二十年額布根從西路軍征達瓦
齊蒙克特穆爾為北路軍所擒蒙克特穆爾之

卷六十一
叛也偕已朗分道竄聞追軍至輒逸有哈薩克
錫喇及都噶爾者皆噶勒雜特宰桑也蒙克特
穆爾以窮無所歸往依都噶爾未幾哈薩克錫
喇自噶勒雜特走額琳哈畢爾噶乞降西路軍
蒙克特穆爾游行塔本集賽其族台吉巴顏恩
克始從叛尋與之失脫歸不知蒙克特穆爾踪
以從都噶爾赴額琳哈畢爾噶告

詔西路軍偵擒之會北路軍次塔本集賽牧都噶爾

乞降以蒙克特穆爾獻訊罪詭稱巴朗逼逃行
次奇蘭輒悔罪謀擒巴朗以告扎哈沁宰桑禡
木特不之助故中止乞宥罪免死巴朗尋就擒
偕蒙克特穆爾械至

上惡其首附叛且詞譎

詔論死如巴朗罪二十二年額布根卒無嗣弟齊巴
克襲

一次襲齊巴克額布根弟乾隆二十二年襲扎

薩克一等台吉四十七年

詔世襲罔替

扎薩克一等台吉巴爾列傳

巴爾杜爾伯特人姓綽囉斯扎薩克特古斯庫
魯克達賴汗車凌族子父車本為額璘沁巴圖
爾曾孫見貝子根敦傳乾隆十八年巴爾從三
車凌來歸十九年

詔授扎薩克一等台吉二十年從西路軍征達瓦齊

先是巴爾戚族哈薩克巴蘇泰巴朗尼禡等游
牧額琳哈畢爾噶不獲從巴爾內附至是聞大
軍臨境迎降凡五十六戶

詔給之三十二年卒子布達什哩襲

一次襲布達什哩巴爾子乾隆三十三年襲扎
薩克一等台吉四十七年

詔世襲罔替

欽定外藩蒙古回部王公表傳卷之九十八